



K1-Ikaarsaariarnermut Ataatsimiititaliaq, 24. August 2017 nal. 13.00

Qaasuitsup Kommunia K1 – Avannaata Kommunia
Ikaarsaariarnermut Ataatsimiititaliaq

Jerimiassen, Palle	S
Bagger, Ane Lone	S
Fleischer, Sakio	S
Kristensen, Jørgen	S
Petersen, Jakob	S
Imanuelen, Jens	S
Andersen, Ane Marie M.	S
Mathiassen, Apollo	S
Petersen, Masauna	S
Frederiksen, Anthon	PN
Danielsen, Ole	PN
Jerimiassen, Aqqalu C.	A
Markussen, Karl	A
Heilmann, Aqqaluk	A
Daavidsen, Lena Ravn	D
Kristiansen, Bendt B.	IA
Bidstrup, Regine	IA

Ataatsimiinnermi aqutsisoq:	Palle Jerimiassen, S
Peqataannngitsut:	Sakio Fleischer, S aamma Anthon Frederiksen, PN
Sinniisussatut peqataasut:	Susanne K. Eliassen, S aamma Ole Zeeb, PN
Allatsi:	Bea Mølgaard Lennert
Immikkut aggersakkat:	
Ataatsimiinneq:	Ilulissani ataatsimiittarfimmi najuulluni oqarasuaatikkullu

24. AUGUST 2017

QAASUITSUP KOMMUNIA K1 – AVANNAATA KOMMUNIA
Noah Mølgaard-ip Aqq. 9, Postbox 1023, 3952 Ilulissat

Imaqarniliaq

AA	SAMMISAQ	Ilanng.
	Iisimatitsissutit	000 a/b
17-010	Avannaata Kommuniata allaffissornermi aqqissuussaanerata atuutilermini isikkussaa	001
17-011	Avannaata Kommuniata ilisarnaattissaa	002 a/b
17-012	Avannaata Kommuniani Nunaqarfinni Aqutsisut suloriusissaat	003
	ATAATSIMIINNEQ MATOQQASOQ	
17-013	Avannaata Kommuniani allaffissornermi pisortaanermik atorfinitsitsineq	Soq.
	Ataatsimiinneq naavoq	
	Atsiorfissaq	

Suliap normua Eqqartugaq	Ullormut oqaluuserisassat akuersissutigineqarnerat
-------------------------------------	---

Ullormut oqaluuserisassanut tunngatillugu allattoqarfiup oqaaseqaatai:

Soqanngilaq

Aalajangerneq:

Oqaluuserisassat akuerineqarput.

Ilisimatitsissut**Eqqartugaq | Qaasuitsup Kommuniata avinnissaanut killiffissiorneq**

11. juli 2017 Kommuninut Nunaqarfinnullu Naalakkersuisoq Erik Jensen Qaasuitsup Kommuniata avinnissaanut killiffiusoq qulaajaaviginiarlugu Ilulissani kommunit marlungortussat Ikaarsaariarnermi Ataatsimiititaliaasa siulittaasui ataatsimeeqatigai.

Ataatsimiissimanermit aammalu tamatuma kingorna Naalakkersuisup killiffisiuereernerup kingorna apeqqutaanut akissuteqarsimaneq pillugu Siulittaasooq Palle Jerimiassen paasissutissiisaaq.

Eqqartugaq | Nuugaatsiami tassaarsuortoqarnerata eqqinerata allallu pisut

19. juni 2017 Nuugaatsiami tassaarsuortoqarnerata kingunerisaanik Nuugaatsiarminik Uummannami eqqaanilu eqqinerata kingunerisimasai pillugit Siulittaasooq Palle Jerimiassen paasissutissiisaaq.

Uummannap eqqaani pisut saniatigut aamma ilanngullugu ilisimatitsissutigineqassapput, kommuninngortussanut aningaasatigut kingunerluuteqaratartitsisinnaasut pisut allat makku:

- Siorapaluk – Siorapalummi sialussuarneratigut innuttaasut qimagutsinneqarsimapput aamma nunap sisoorsinnaanera aalleqqutigineqalerluni.
- Qaanaaq – Qaanaami sialussuarneratigut mittarfiup tungaanut aqqusineq marlungorlugu kuungussaasimasooq ilisimatitsissutigineqarpoq.
- Nassuttooq – Naasuttuumi ikuallanneq maanna qamisarneqarpoq. Qamisaanermi qatserisartut illoqarfinit assigiinngitsuneersut peqataatinneqarput.
- Qeqertaq/Saqqaq – Qeqertap Saqqallu akornanni ikuallanneq qamisarneqareerluni ikummaqquissimasooq qamisarneqarpoq. Qamisaanermi qatserisartut inuinaallu ikiuuttut Ilulissaneersut eqqaaneersullu peqataatinneqarput.
- Qalerallit – Qalerallit tunisat ikilerujussuaqqanerata aarlerinartoqartinneqarpoq, neriutiginerarlunili takkukkiartoqqilernissaat.

Eqqartugaq | Kanukokap siunissaa pillugu isumasioqatigiinnissaaq

Kanukokap aallartitat ataatsimiinnissaat taamaatillugu, maanna aggersaavoq ulluni 8. aamma 9. September 2017 Kanukokap siunissaa pillugu isumasioqatigiinnissamut. Isumasioqatigiinnissaaq pillugu Siulittaasooq Palle Jerimiassen paasissutissiisaaq.

Eqqartugaq | Sulisunik innuttaasunillu naapitsinissat

September aallarnerfigalugu Avannaata Kommuniata sulisuulertussanik, innuttaasunik allanillu naapitsisarnerit aallartinneqassapput. Siulittaasooq Palle Jerimiassen pilersaarut pillugu paasissutissiisaaq.

Eqqartugaq | Missingersuutit pillugit isumasioqatigiinnissaaq

Ulluni 25.-28. August 2017 missingersuutit pillugit isumasioqatigiinneq ingerlanneqassaaq. Siulittaasooq Palle Jerimiassen piareersaatit killiffiat pillugit paasissutissiisaaq.

Eqqartugaq | Meeqqat tapersersorneqarnissaannut inatsit

Kommunalebstyrelsemi Ikaarsaariarnermullu Ataatsimiititaliani ilaasortanut inatsisitigut piumasaqaataasooq naapertorlugu pikkorissaasooqassaaq ulluni 28-29. September 2017.

Ilanngussat:

- 000a Naalakkersuisup Erik Jensenip allagaa
- 000b Avannaata Kommuniata akissutaa

Aalajangerneq:

Ilisimatitsissutit tusaatissatut tiguneqarput.

Suliap normua /eqqartugaq	17-010 Avannaata Kommuniata allaffissornikkut aaqqissuussaanerata atuutilernermini isikkussaa	Ilanng. nr.	001
		Journal nr.	

Uteqqiineq:

Kommunissani nutaani allaffissorneq 1.januar 2018 atuulluarsinnaassappat, Ikaarsaariarnermut Ataatsimiititaliap isummerfigissavaa, kommuneqarfissat nutaat allaffissornikkut qanoq aaqqissuussaanissaa, kiisalu atorfinititsissalluni pisariaqartitatut amerlassusiliilluni allaffissornikkut aqutsisussanik allaffissornikkut aaqqissuussisussanik.

Tamatumunnga atatillugu Qaasuitsup Kommuniani allattoqarfik siunnersuutunik pingasuusunik suliaqartitsisinikuuvoq. Taakkualu Ikaarsaariarnermut Ataatsimiititaliap ulloq 13. Juni 2017 ataatsimiinnermini oqaluuserigamigit aalajangerpaa, siunnersuutigineqartuni pingasuusuni model 3, Avannaata Kommuniani aaqqissuussaanermit isikkussaanut tunngavissaatut atorneqassasoq.

Suliap saqqummiunneqarnera:

Tamatuma kingunerisaanik Avannaata Kommuniata Allattoqarfiata 1. Januar 2018 aallarnerfigalugu, Avannaata Kommuniata allaffissornikkut aaqqissuussaanerata atuutilernermini model 3 aallaavigalugu isikkussaa piareersarlugu suliaraa, maannalu Qaasuitsup Kommuniani ingerlatsivinni pisortaasut ilaatigut suleqatigalugit. Taamaattorli Avannaata Kommuniata allaffissornikkut qullersaqarfissaata ataani sulisussatut kissaatigineqartut tamakkerlugit Allattoqafimmiit ilalerneqarsinnaasimangillat.

Tassami Qaasuitsup Kommuniata avinnissaanut suliaqarnermi, sulisunut tunngatillugu Avannaata Kommunianit Kommune Qeqertalimillu isumaqatigiissutigineqarpoq qullersaqarfimmi maannamut sulisuusut 143-usut kommuninut marlunngortussanut avinneqassasut imaalillugit:

- Avannaata Kommunian 82-it
- Kommune Qeqertalik 61-it

Taamaalilluni Avannaata Kommuniata Ilulissani qullersaqarfissaani atorfiit katillugit 82-iussapput, aamma maanna aaqqissuussaanermit nutaassami atorfiit piusussat qanoq inissiternissaat ersarissimmat, sulisuusussatut siunniussat naammattussatut naatsorsuutigineqalerput, taamaammallu siunnersuut aalajangiiffigisassanngorlugu saqqummiunneqarsinnaalerluni.

Taamaattoq maluginiarneqassaaq kommunip avinnissaanut piareersateqarluni suliaqarnermi maanna sulisuusut tamakkerlugit kommunimi nutaassami sorlermi sulinissartik kissaatigineqarnermi, sulisut amerlanerpaartaasa Ilulissaniiginnarnissartik kissaatiginikumassuk.

Tamannalu Avannaata Kommuni aaqqissuussaanermit nutaami sulisut amerlassusissaasa killeqarnerat tunngavigalugu unammilligassaqartitsilerpoq, tassa politikikkut suliniuteqarfineqartussatut siunniussat qulakkiikkamik ingerlanneqarnissaat aaqqissuussaanermit aamma qulakkeerniarneqarmat, maannamut qullersaqarfimmi sulisooreersut ilaasa suliffigisamik atorunnaarsinneqarnissaat, ingerlatsivimmut allamut atorfimmullu nutaamut nuutinneqarnissaat, aammalu Kommune Qeqertalimmut nuunnissamik neqeroorfigineqarnissartik naatsorsuutigisussaassammassuk.

Tassa atorfinnit 61-iusunit Kommune Qeqertalimmut nuunneqartussanit, taamaallaat 20-t missaat nammineerlutik nuukkusullutik nalunaaruteqarnikummata aammalu atorfiit inuttaqanngitsut 22-t Qeqertalimmut tunniunneqarenikuummata, sulisunut Ilulissaniiginnarumagaluartunut, taakkualuunniit atorfigisaannut 19-it missaanniittunut kigunerluuteqaratarsinnaassimmat.

Sulisut allannguinermit eqqorneqartussat, atorfeqartitaaneranni isumaqatigiissutit naapertorlugit sullinneqassapput.

Avannaata Kommuniiani aaqqissuussaanermik suliaqarneq piaarnerpaamik naammassiniarneqassaaq, taamaalilluni maanna sulisuusut aalajangiisoqarnissaanik utaqqivallaannginnissat anguniarneqarmat.

Inatsit tunngavigisaq:

Kommunini suliaasaqarfiit aaqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq.

Kingunissai:

Sulisutigut inissisimanermut kinguneqassaaq. Tassa sulisut ilaat suliunnaartussaassapput ilaallu ingerlatsivinnut allanut aammalumi kommunimut nutaamut allamiittumut nuuttussanngussallutik.

Aningaasatigut kingunissai:

Siunnersuutip aningaasatigut sunniuteqarnissaa annikinnerpaaffimminiissasoq naatsorsuutigineqarpoq, tassa sulisut 82-t akissarsianut missingersuutaat kommunimut nutaamut nassarneqartussaammata, taamaattumik aamma sulisussatut isumaqatigiissut sinnerlugu siunnersuuteqartoqaraluarmat itigartitsissutigineqarnissaat aalajangerneqarpoq, aningaasat Avannaata Kommuniata sulisutigut pissarsissutigisassai sulisut 82-t naliginuinaq naammattussaammata. Neriutiginerpoq ataatsimiinnermi tullermi missingersuutit pillugit saqqummiussisoqalerpat aamma akissarsianut aningaasartuutaasussat ersarissut takutinneqarsinnaalersimassasut.

Inassuteqaat:

Allattoqarfimmiit inassutigineqarpoq Avannaata Kommuniata allaffissornikkut aaqqissuussaanerata atuutilernermini isikkussaatut siunnersuut taperserlugu Ikaarsaariarnermut Ataatsimiititaliamut ingerlateqqinneqassasoq.

Aningaasaqarnermut Ataatsimiititaliaq 16.08.2017:

Inassutigineqartoq akuerineqarpoq.

Ilanngussat:

- Allaffissornikkut aaqqissuussaanerup atuutilernermini isikkussaatut siunnersuut

Aalajangerneq:

Inassutigineqartoq akuerineqarpoq.

Suliap normua /eqqartugaq	17-011 Avanaata Kommuniata ilisarnaatisaa	Ilangg. nr.	002 a/b
		Journal nr.	

Uteqqineq:

Avannaata Kommuniata ilisarnaatisaata toqqarneqareerneratigut, siunnersuut toqqarneqartoq titartaasartumut titartaqqissaartinniarlugu nassiuqqarneqarnikuuvoq.

Suliap saqqummiunneqarnera:

Maanna Avannaata Kommuniata ilisarnaatisaata titartaqqissaarneqarnera naammassineqarpoq aalangiisoqartussanngorluni.

Titartaqqissaarneqareernerani siunnersuutigineqartuni aalajangiiffigisassatut toqqangassat marluussapput, tassaasut;

- 1) Ilisarnaatisatut siunnersuutigineqartuni tallimaasuni sorleq toqqarneqassanersoq.
- 2) Ilisarnaatip allannertassaatut siunnersuutigineqartuni sisamaasuni sorleq toqqarneqassanersoq.

Inassuteqaat:

Suliaq allattoqarfimmiit ima inassuteqaaserlugu Aningaasaqarnermut Ataatsimiititaliamut aalajangiivigineqartussanngortinneqarpoq:

- Kommunip ilisarnaatisaanut siunnersuutini titartagaq H-4-D toqqarneqassasoq. Qalipaatai pingasuinnaammata qimmillu isikkui ilisarnarnerullutik.
- Ilisarnaatip allannertaasaani siunnersuut nr. 4 ersarinnerummat toqqarneqassasoq.

Aningaasaqarnermut Ataatsimiititaliaq 16.08.2017:

Ikaarsaariarnermut Ataatsimiititaliamut akuerineqartussatut innersuussutigineqarlutik toqqarneqarput uku:

**Kommunip ilisarnaatisatut H-4-C
Ilisarnaatip allannertassaaani nr. 4**

Ilangussat:

- Kommunip ilisarnaatisaatut siunnersuutit.
- Kommunip ilisarnaatisaata allannertassaatut siunnersuutit.

Aalajangerneq:

Inassutigineqartoq akuerineqarpoq.

Suliap normua /eqqartugaq	17-012 Avannaata Kommuniiani Nunaqarfinni Aqutsisut sulerusissaat	Ilanng. nr.	Soq.
		Journal nr.	

Suliap saqqummiunneqarnera:

Avannaata Kommuniata pilersinneqarnissaanut atatillugu aammalumi Nunaqarfinni Aqutsisunit kissaatigineqarpoq Nunaqarfinni Aqutsisut akisussaaffimmik annertunerusumik tunineqartalissasut aammalu taamaalilluni Ikaarsaariarnermut Ataatsimiititaliamit aalajangerneqartussaalluni Nunaqarfinni Aqutsisut politikikkut aaqissuussaanneranni sulerusissaq.

Tamaattumik maanna siunnersuutigineqarpoq Avannaata Kommuniiani Nunaqarfinni Aqutsisunit sulerusissaq 1.1.2018 aallarnerfigalugu atuutilertussa. Taamaaliornikkut akisussaaffimmik ersarissumik kissaatigineqartut tunniussisisoqassamat aammalu suliassaat ersarissaavigineqarlutik.

Sulerusissami ersarissarniarneqarpoq Nunaqarfinni Aqutsisut atuuffigisaminni sulinertik qanoq ingerlatissagaat, suut akisussaaffigissagaat aammalu allanik qanoq suleqateqartassanersut.

Sulerusissap atuutilersinnissaanut atatillugu naatsorsuutigineqarpoq Nunaqarfinni Aqutsisut isumasioqatigiisinnegassasut, ilaatigut sulerusissaq aammalu akisussaaffiligassanik eqqaartuinissaq siunertaralugu.

Inatsit tunngavigisaq

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq.

Kingunissai:

Avannaata Kommuniata nunaqarfiit nammineerlutik oqartussaaqataalernertik ineriartortitseqataalernermut saatissinnaavaat, tamannalu kinguneqarlualeriartorsinnaalluni.

Aningaasatigut kingunissai:

Nunaqarfinni Aqutsisut atuunnerminni akissarsiaat ingerlareersuupput sunniuteqartussaanatik.

Taamaattoq Ikaarsaariarnermut Ataatsimiititaliap / Kommunalbestyrelsep ukiunut tulliuuttunut missingersuusiortarnermini killissarititaasut suut atuutsikkumanerlugit aalajangersartassavai. Taamaattumik Avannaata Kommuniata aningaasaqarniarneranut annertuumik kinguneqassanganneqanngilaq, naatsorsuutigineqarmat maanna illoqarfinnit aqunneqartut ilaasa nunaqarfinnut nuutinneqaannarnissaat.

Taamaattorli apeqqutaalluinalertussaassaaq akisussaaffiliiniarnermi nunaqarfiit 23-iusut (21) katillugit 3.000 missaanni innuttaqartut missingersuusiortarnermi aningaasaliiffigineqartarnissaanni killissarititaasut qanoq ittut atuutsinneqarniansut.

Inassuteqaat:

Allattoqarfiimmit sulerusissap akuerineqarnissaa inassuteqaatigalugu Ikaarsaariarnermut Ataatsimiititaliamut ingerlatinneqarpoq.

Ilanngussat:

- Nunaqarfinni Aqutsisut sulerusissaattut siunnersuut.

Aalajangerneq:

Inassuteqaat akuerineqarpoq.

Ataatsimiinneq naavoq nal. 15:25**Atsiorfissaq**

Palle Jerimiassen

Ane Lone Bagger

Susanne K. Eliassen

Jørgen Kristensen

Jakob Petersen

Jens Imanuelsen

Ane Marie M. Andersen

Apollo Mathiassen

Masauna Petersen

Anthon Frederiksen

Ole Danielsen

Aqqalu C. Jerimiassen

Karl Markussen

Aqqaluk Heilmann

Lena Ravn Davidsen

Bendt B. Kristiansen

Regine Bidstrup
